

Polasaí Iontrála Mheánscoil Gharman

Coill an Bhrúnaigh, Inis Córthaidh

68080H

Pátrún na Scoile: An Foras Pátrúnachta

1. Réamhrá

Comhlíonann an Polasaí Iontrála seo ceanglais an Achta Oideachais 1998, an Achta Oideachais (Iontráil i Scoileanna) 2018 agus an Achta um Stádas Comhionann 2000. Agus an polasaí seo á dhréachtú, chuaigh bord bainistíochta na scoile i gcomhairle le foireann na scoile, le pátrún na scoile agus le tuismitheoirí leanaí atá ag freastal ar an scoil.

D'fhaomh an pátrún scoile an polasaí ar an 04/09/2020. Tá sé foilsithe ar shuíomh gréasáin na scoile agus cuirfear ar fáil i gcóip chrua é ar iarratas d'aon duine a iarrann é.

Tá na dátaí agus na hamlínte ábhartha do pholasaí iontrála Mheánscoil Gharman leagtha amach san fhógra maidir le hiontráil bhliantúil na scoile a fhoilsítear go bliantúil ar shuíomh gréasáin na scoile seachtain amháin ar a laghad roimh thús an phróisis iontrála don scoilbhliain lena mbaineann.

Ní mór an polasaí seo a léamh i gcomhar leis an bhfógra maidir le hiontráil Bhlíantúil na scoile don scoilbhliain lena mbaineann.

Foilsítear an fhoirm iarratais i gcomhair iontrála ar shuíomh gréasáin na scoile agus cuirfear cóip chrua di ar fáil d'aon duine a iarrann sin.

Beidh tús áite ag an leagan Gaeilge den pholasaí seo i gcás neamhréitigh.

2. Spiorad saineiúil agus cuspóirí ginearálta na scoile

Is meánscoil lán-Ghaeilge de chuid An Foras Pátrúnachta í Meánscoil Gharman. Is scoil chomhoideachasúil í a bhí bunaithe í Mí Mheán Fómhair 2007 agus tá éiteas idirchreidmheach aici.

Is príomhchuspóir na scoile í an Ghaeilge a chothú. Cuirimid fáilte roimh pháistí beag beann ar a gcúlra, creidimh nó riachtanais speisialta.

D'oscail Meánscoil Gharman den chéad uair i mí Mheán Fómhair 2007 chun freastal ar riachtanais oideachais dara leibhéal lán-ghaeilge an chontae Loch Garman. Tá sé mar aidhm again anseo oideachas den chéad scoth a chur ar fáil do gach uile scolairí a roghnaíonn freastal ar Mheánscoil Gharman.

3. Ráiteas maidir le hIontráil

Ní dhéanfaidh Meánscoil Gharman idirdhealú maidir le scoláire a ligean isteach ar scoil ar bhonn aon cheann díobh seo a leanas:

- (a) inscne an scoláire nó an iarratasóra i dtaca leis an scoláire lena mbaineann,
- (b) stádas sibhialta an scoláire nó an iarratasóra i dtaca leis an scoláire lena mbaineann,
- (c) stádas teaghlaigh an scoláire nó an iarratasóra i dtaca leis an scoláire lena mbaineann,
- (d) claonadh gnéis an scoláire nó an iarratasóra i dtaca leis an scoláire lena mbaineann,
- (e) reiligiún an scoláire nó an iarratasóra i dtaca leis an scoláire lena mbaineann,
- (f) bunús míchumais an scoláire nó an iarratasóra i dtaca leis an scoláire lena mbaineann,
- (g) cine an scoláire nó an iarratasóra i dtaca leis an scoláire lena mbaineann,
- (h) scoláire nó iarratasóir ó phobal an lucht siúil i dtaca leis an scoláire lena mbaineann, nó
- (i) riachtanais speisialta oideachais a bheith ag an scoláire nó ag an iarratasóir i dtaca an scoláire lena mbaineann.

De réir alt 61(3) den Acht Oideachais 1998, déanfar ‘foras stádas sibhialta’, ‘foras míchumais’, ‘idirdhealú’, ‘foras stádas teaghlaigh’, ‘foras inscne’, ‘foras cine’, ‘foras reiligiúin’, ‘foras claonadh gnéis’ agus ‘foras pobal Taistealaithe’ a fhorléiriú de réir alt 3 den Acht um Stádas Comhionann 2000.

4. Catagóirí Riachtanas Speisialta Oideachais a bhfreastalaítear orthu sa scoil/rang speisialta

Níl rang speisialta ag an scoil.

5. Scoláirí a Ligean Isteach

Ligfidh an scoil seo isteach gach dalta atá ag lorg iontrála ach amháin sna cásanna a leanas

- a) i gcás ina bhfuil ró-éileamh ar an scoil (féach alt 6 thíos le haghaidh tuilleadh sonraí)
- b) i gcás go dteipeann ar thuismitheoir dalta, nuair a éilíonn an príomhoide é de réir alt 23(4) den Acht Oideachais (Leas) 2000, a dhearbhú i scríbhinn go bhfuil cód iompair na scoile inghlactha dó nó di agus go ndéanfaidh sé nó sí gach iarracht réasúnach lena chinntiú go gcomhlíonfaidh an dalta an cód sin

6. Ró-éileamh (ní mór an chuid seo a bheith comhlánaithe ag gach scoil, scoileanna nach bhfuil ag súil le go mbeidh ró-éileamh orthu san áireamh)

Sa chás go mbíonn ró-éileamh ar an scoil, nuair a dhéanann sí cinneadh maidir le hiarratais ar iontráil, cuirfidh an scoil na critéir roghnúcháin seo a leanas i bhfeidhm **san ord liostaithe thíos** ar na hiarratais sin a fuarthas laistigh den tréimhse ama le hiarratais a fuarthas mar atá leagtha síos i bhfógra na scoile maidir le hiontráil bhliantúil:

1. Deartháireacha, deirfiúracha, leath-shiblí, páistí altramaigh nó uchtaithe le daltaí reatha na scoile.
2. Páistí ó na gaelscoileanna seo a leanas :Gaelscoil Inis Córthaidh, Gaelscoil Charman, Gaelscoil Moshíológ. Níl an liosta seo in aon ord tosaíochta.
3. Páistí a bhfuil deartháir, deirfiúr, leath-shiblín, siblín altramaigh nó uchtaithe acu a d'fhreastail ar an scoil cheana féin.
4. Páistí gur deimhin leis an scoil gur ghnóthaigh an dalta leibhéal líofachta sa Ghaeilge agus gur dhócha go rachadh an líofacht sin ar gcúl mura ligfí isteach i scoil lán-Ghaeilge é/í.*
5. De réir aoise; an páiste is sine ar dtús.

Beidh ar gach dalta atá ag iarraidh freastal ar an scoil agallamh a dhéanamh in éineacht lena dtuistí/ gcaomhnóirí leis an bPríomhoide roimh thús na scoilbhliana.

Sa chás go mbíonn beirt scoláire nó níos mó cothrom le chéile le haghaidh áite nó áiteanna in aon cheann de na catagóirí sna critéir roghnúcháin thuas (go mbíonn níos mó líon iarratasóirí ann ná líon na n-áiteanna fágtha), cuirfear na socrúithe seo a leanas i bhfeidhm:

Tá sé de cheart ag Bord na scoile uaslíon na ndaltaí in aon bhliain ar leith a leagadh síos. Is é an uaslíon daltaí a cheadófar in aon bhliain ná 60.

Má tá beirt daltaí nó níos mó ceangailte faoi chritéar 1/2/3/4/ socrófar tús áite de réir an chéad chritéar eile ar an liosta.

Má tá an critéar deireanach i gceist, cuirfear san áireamh an t-am ar rugadh an leanbh atá ar fáil ar an deimhniú breithe.

7. Cad nach ndéanfar a mheas ná nach gcuirfear san áireamh

De réir alt 62(7)(e) den Acht Oideachais ní dhéanfaidh an scoil na nithe seo a leanas a mheas ná ní cuirfear san áireamh iad nuair a dhéantar cinneadh maidir le hiarratais ar iontráil nó nuair a chuirtear scoláire ar liosta feithimh le ligean isteach chuig an scoil:

Tá eisceachtaí teoranta maidir le roinnt díobh (atá aibhsithe i ndath dearg thíos) agus ní mór do scoileanna na heisceachtaí a bhaineann leo a choimeád agus iad siúd nach mbaineann leo a scriosadh:

- (a) tinreamh an scoláire roimhe ag réamhscoil nó ag seirbhís réamhscoile, náionraí san áireamh,
- (b) íocaíocht táillí nó ranníocaíochtaí (cibé slí a dtuairiscítear í) leis an scoil;
- (c) cumas, scileanna nó inniúlacht acadúil an scoláire; seachas i ndáil le:

- ligean isteach i scoil lán-Ghaeilge, de réir fhorálacha alt 62(9) den Acht).

(d) gairm, stádas airgeadais, cumas acadúil, scileanna nó inniúlacht tuismitheoirí an dalta;

(e) ceanglas go bhfreastalóidh scoláire, nó a t(h)uismitheoirí ar agallamh, lá oscailte nó cruinniú eile mar choinníoll iontrála;

(f) ceangal scoláire leis an scoil de bhua duine dá theaghlach nó dá teaghlach ag freastal ar an scoil nó a bhí ag freastal ar an scoil roimhe sin; seachas, i gcás na scoile ar mian léi critéir roghnúcháin a chur san áireamh bunaithe ar dheartháireacha nó deirfiúracha scoláire a fhreastalaíonn ar an scoil nó a d'fhreastail ar an scoil.

(g) an dáta agus an t-am a ghlac an scoil le hiarratas iontrála,

Tá sé sin faoi réir an iarratais a bheith faighte ag am ar bith le linn na tréimhse a shonraítear chun iarratais a fháil mar atá leagtha síos i bhfógra na scoile maidir le hiontráil bhliantúil don scoilbhliain lena mbaineann.

Tá sé sin faoi réir freisin ag an scoil tairiscintí a dhéanamh bunaithe ar liostaí feithimh reatha (suas go dtí an 31ú Eanáir 2025 amháin).

8. Cinntí ar iarratais

Beidh na cinntí go léir maidir le hiarratais ar iontráil chuig Meánscoil Gharman bunaithe ar na nithe a leanas:

- Polasaí iontrála na scoile
- Fógra iontrála bliantúil na scoile (nuair is cuí);
- An fhaisnéis a chuir an t-iarratasóir ar fáil i bhfoirm iarratais oifigiúil na scoile a fuarthas le linn na tréimhse atá sonraithe inár bhfógra iontrála bliantúil chun iarratais a fháil;

(Féach alt 14 thíos maidir le hiarratais a fuarthas lasmuigh den tréimhse iontrála agus alt 15 thíos maidir le hiarratais ar áiteanna i mblianta seachas an grúpa ligthe isteach.)

Ní úsáidfeadh critéir roghnúcháin nach n-áirítear inár bpolasaí iontrála scoile chun cinneadh a dhéanamh maidir le hiarratas ar áit inár scoil.

9. Cinntí a chur in iúl d'iarratasóirí

Cuirfeadh iarratasóirí ar an eolas i scríbhinn maidir le cinneadh na scoile, laistigh den amlíne atá leagtha amach san fhógra bliantúil iontrála.

Mura dtairgtear áit do dhalta inár scoil, cuirfeadh na cúiseanna nár tairgeadh áit dó nó di ar fáil i scríbhinn don iarratasóir, lena n-áirítear, nuair is infheidhme, sonraí maidir le rangú an dalta i gcoinne na gcritéir roghnúcháin agus na sonraí faoi áit an dalta ara an liosta feithimh don scoilbhliain lena mbaineann.

Cuirfeadh iarratasóirí ar an eolas faoin gceart chun athbhreithniú/ceart achomhairc a lorg maidir le cinneadh na scoile (féach alt 18 thíos le haghaidh tuilleadh sonraí).

10. Glacadh le tairiscint áite ag iarratasóir

Agus tairiscint iontrála á glacadh agat ó Mheánscoil Gharman ní mór duit an méid a leanas a léiriú:

cé acu an bhfuil nó nach bhfuil glactha agat le tairiscint iontrála ar scoil nó ar scoileanna eile. Má ghlac tú le tairiscint den sórt sin, ní mór duit sonraí na tairisceana nó na dtairiscintí lena mbaineann a chur ar fáil freisin.

(ii) cé acu an bhfuil iarratas déanta agat ar thairiscint iontrála ó scoil nó ó scoileanna eile nó cé acu an bhfuil tú ag feitheamh lena dheimhniú, agus má tá, ní mór duit sonraí na scoile nó na scoileanna eile lena mbaineann a sholáthar.

11. Cúinsí nach féidir tairiscintí a dhéanamh ina leith nó a tharraingt siar

Ní féidir le Meánscoil Gharman tairiscint iontrála a dhéanamh ná a tharraingt siar ach sna cásanna a leanas —

- déantar amach go bhfuil an fhaisnéis atá san iarratas bréagach nó míthreorach.
- teipeann ar iarratasóir glacadh le tairiscint iontrála ar nó roimh an dáta atá leagtha amach i bhfógra iontrála bliantúil na scoile.
- má theipeann ar thuismitheoir dalta, nuair a éilíonn an príomhoide é de réir alt 23(4) den Acht Oideachais (Leas) 2000, a dhearbhu i scríbhinn go bhfuil cód iompair na scoile inghlactha dó nó di agus go ndéanfaidh sé nó sí gach iarracht réasúnach lena chinntiú go gcomhlíonfaidh an dalta an cód sin; nó
- teipeann ar iarratasóir riachtanais a chomhlíonadh chun 'glacadh le tairiscint' mar atá leagtha amach in alt 10 thuas.

12. Sonraí a roinnt le scoileanna eile

Ba chóir d'iarratasóirí a bheith feasach go gceadaítear le hAlt 66(6) den Acht Oideachas (Iontráil Scoileanna), 2018 comhroinnt sonraí idir scoileanna d'fhonn iontráil éifeachtach daltaí a éascú.

Tá ceadaithe de réir Alt 66 (6) do scoil liosta de na daltaí a sholáthar do phátrún nó do bhord bainistíochta eile:

go bhfuarthas iarratas ar ligean isteach sa scoil,

(ii) go ndearnadh tairiscint ar áit sa scoil, nó

(iii) gur glacadh le tairiscint ar áit scoile.

Féadfaidh aon cheann nó gach ceann díobh seo a leanas a bheith ar an liosta:

an dáta a fuair an scoil iarratas ar áit scoile;

(ii) an dáta a rinne an scoil tairiscint ar áit scoile;

(iii) an dáta ar ghlac iarratasóir le tairiscint ar áit scoile;

(iv) sonraí pearsanta dalta(i) lena n-áirítear ainm, seoladh, dáta breithe agus uimhir seirbhíse poiblí pearsanta (de réir bhrí alt 262 den Acht Comhdhlúthaithe Leasa Shóisialaigh 2005).

13. Liosta feithimh i gcás ró-éilimh

I gcás go mbeidh níos mó iarratas ar an scoilbhliain lena mbaineann ná na háiteanna atá ar fáil, tiomsófar liosta feithimh de dhaltaí nár éirigh lena n-iarratas ar iontráil chuig Meánscoil Gharman mar gheall ar ró-éileamh ar an scoil agus beidh siad bailí don scoilbhliain ina bhfuil cead isteach á lorg.

Tá socrúchán ar liosta feithimh Mheánscoil Gharman san ord tosaíochta a shanntar d'iarratais na ndaltaí tar éis don scoil na critéir roghnúcháin a chur i bhfeidhm de réir an pholasaí iontrála seo.

Déanfar tairiscintí maidir le haon áiteanna ina dhiaidh sin a bheidh ar fáil don scoilbhliain agus lena linn a bhfuil cead isteach á lorg ina leith maidir leis na daltaí sin ar an liosta feithimh, de réir an oird tosaíochta ar cuireadh na daltaí ar an liosta.

Déanfar an liosta forlíontach feithimh a chruthú má fhaightear iarratais tar éis an dáta deiridh a leagtar amach san Fhógra Iontrála Bliantúil. Cuirfear na hiarratais in ord de réir na gcritéar roghnúcháin sa pholasaí iontrála seo. Beidh an chéad liosta feithimh glanta sula ndéanfar áiteanna a thairiscint d'iarrthóirí ar an liosta forlíontach seo.

14. Iarratais Dhéanacha

Déanfaidh áit a thairiscint má tá áit ar fáil sa scoil.

Má tá ró-éileamh ar áiteanna sa scoil tar éis an bpríomhphróisis iontrála, líonfar aon áit scoile a thagann chun cinn ina dhiaidh sin ón liosta feithimh a cruthaítear as an bpróiseas sin.

Má fhaightear iarratais tar éis an dáta deiridh mar atá leagtha amach san Fhógra Iontrála Bliantúil déanfar liosta forlíontach feithimh a chruthú. Beidh an príomhliosta feithimh glanta sula ndéanfar áiteanna a thairiscint d'iarrthóirí ar an liosta forlíontach seo. Nuair a thagann spás chun cinn sa scoil, déanfar na hiarratais ar an liosta forlíontach feithimh a mheas de réir na gcritéar roghnúcháin sa pholasaí iontrála seo ar an lá a thagann an áit scoile sin chun cinn de réir an Achta um Iontrálacha Scoile 2018 agus de réir aon rialacháin a rinneadh faoin Acht sin.

15. Nósanna imeachta maidir le scoláirí a ligean isteach i mblianta eile agus le linn na scoilbhliana

Is iad seo a leanas nósanna imeachta na scoile maidir le scoláirí a ligean isteach nach bhfuil glactha isteach sa scoil cheana féin chuig ranganna nó blianta seachas grúpa iontrála na scoile:

Is gá do thuismitheoirí/caomhnóirí ar mian leo iarratas a dhéanamh ar áit in aon bhliain litir iarratais chuige sin a scríobh chuig Cathaoirleach an Bhoird. Is é an Bord Bainistíochta a dhéanfaidh an cinneadh faoi pháistí a ghlacadh in aon bhliain agus is faoin mBord amháin atá an cinneadh seo.

Bliain 1

Tabharfar áit má tá áit ar fáil sa bhliain seo. Sa chás go sáraíonn líon na n-iarratas líon na n-áiteanna atá ar fáil sa rang ábhartha, cuirfidh an scoil na critéir roghnúcháin atá leagtha amach i Roinn 6 den bheartas seo i bhfeidhm ar na hiarratais sin. Sa chás nach bhfuil aon áit ar fáil, cuirfear ainm an pháiste ar an liosta feithimh de réir Alt 13 den bheartas seo.

Bliain 2 go 6

Ní chuirfear áiteanna ar fáil de ghnáth i ranganna os cionn Bhliain 1, ach amháin i gcúinsí eiseachtúla agus ar rogha an bhoird. Tabharfar áit do pháistí i mBliain 2 - 6 má tá spás sa bhliain **agus** má chinneann an Príomhoide/Bord Bainistíochta go bhfuil cumas Gaeilge an pháiste ar leibhéal a ligfeadh don pháiste feidhmiú agus foghlaim sa rang agus nach mbeadh ar dhaltaí eile iompú ar an mBéarla chun cumarsáid a dhéanamh. **Beidh ar an tuismitheoir/caomhnóir fianaise den chaighdeán seo a chur ar fáil.** Is ag an mBord Bainistíochta a bheidh an cinneadh deiridh sna cásanna seo.

Tuigtear go bhfuil aistrihe dosheachanta i gcásanna áirithe eisceachtúla (m.s. aistriú tí nó clann ag bogadh go ceantar. Go ginearálta áfach ní spreagtar aistrihe go Gael-Choláiste Chill Dara ar mhaithe le leanúnachas oideachas an dalta. Pléann an Bord Bainistíochta le cinní maidir le haistriú daltaí ó Mheánscoileanna eile.

Ní hé polasaí an Bhoird Bhainistíochta glacadh le iarratais aistrihe ó dhaltaí atá cláraithe cheana féin i meánscoileanna áitiúla seachas i gcúinsí eisceachtúla. Má bhíonn an Bord sásta go bhfuil cúinsí eisceachtúla i gceist, baineann na breithniúcháin agus nósanna imeachta a leanas:

- (i) Go gcloífear le polasaí iontrála na scoile.
- (ii) Go bhfuil áiteanna ar fáil sa bhliain, sa rang nó sa ghrúpa ábhar atá i gceist.
- (iii) Go mbeidh an dalta in an feidhmiú i gceart i dtimpeallacht lán-Ghaeilge agus go mbainfidh sé/sí tairbhe as. (Déanfar cumas sa Ghaeilge a mheas trí agallamh).
- (iv) Ní mór na fáthanna go iarratas aistrihe á chur isteach a chur go soiléir i scríbhinn faoi bhráid Phríomhoide Mheánscoil Gharman.
- (v) Ní mór do Thuismitheoirí/Chaomhnóirí an dalta cóipeanna de thuairiscí scoile an dalta óna (h)iar-scoil a chur faoi bhráid an Phríomhoide.
- (vi) Coinníonn an Príomhoide an ceart aige/aici féin moladh faoi rún a lorg ó údaráis na hiar-scoile nó na n-iar-scoileanna. Déanfar an t-iarratas sin de réir cur ar fáil sásúil de gach eolas ábhartha (mar a lorgaíonn an Príomhoide) ón iar-scoil agus ó Thuismitheoirí/Chaomhnóirí an dalta.
- (vii) Coimeádann an Bord Bainistíochta an ceart aige féin diúltú d'iarratas i gcásanna ina d'fhéadfadh réamhthairbhí cruthaithe drochiompair a bheith san áireamh.
- (viii) Coimeádann an Bord Bainistíochta an ceart aige féin diúltú d'iarratas i gcás, i dtuairim an Bhoird, go bhfuil priacal doghlachta ann do dhaltaí eile, do fhoireann na scoile nó do sealúchas na scoile.
- (ix) Go bhfuil an dalta in ann cloí leis an soláthar curaclaim atá ag an scoil. Caithfidh iarratasóirí staidéar a dhéanamh ar líon na n-ábhar atá á dtairiscint ag an scoil sa rang nó sa bhlianghrúpa agus caithfidh sé/sí staidéar a dhéanamh ar na hábhair riachtanacha atá leagtha amach ag an scoil.

(x) Dul i gcomhairle leis an Oifigeach Leasa Oideachais más oiriúnach.

(xi) Ní mór don iarratasóir agus a t(h)uismitheoirí/C(h)aomhnóirí glacadh le Cód Iompair Mheánscoil Gharman agus lena Ráiteas Misean i scríbhinn.

(xii) Go bhfuil an Bord Bainistíochta den tuairim gur do leas an dalta an t-aistriú.

(xiii) Go bhfuil an Bord Bainistíochta den tuairim gur do leas na scoile é an t-aistriú ag cur leas agus cearta na ndaltaí atá cheana féin i Meánscoil Gharman san áireamh.

Bliain a Athdhéanamh

Daltaí atá ag freastal ar Mheánscoil Gharman cheana féin.

Ní tharlóidh sé ach i gcásanna fíor-eisceachtíúla go ndéanfar iarratais ar bhliain a athdhéanamh ó dhaltaí reatha Ghael-Choláiste Chill Dara a mheas. Déanfar a leithéid d'iarratas a mheas trí an méid a leanas a chur san áireamh:

(i) Leas an pháiste atá i gceist o thaobh tuairim na scoile de.

(ii) Leas na bpáistí sna ranganna ina d'fhéadfadh an dalta atá i gceist a bheith curtha.

(iii) Foráileacha Chiorclán M02/95 na Roinne Oideachais agus Scileanna.

Daltaí ó scoileanna eile

Is de réir fhoráileacha Mír 4 thuasluaite amháin a dhéanfar a leithéid d'iarratas a mheas. Cloífidh aon chinneadh den sórt seo go daingean le Ciorclán M02/95 na Roinne Oideachais agus Scileanna.

16. Dearbhú maidir le gan táillí a ghearradh

Ní ghearrfaidh bord Meánscoil Gharman ná aon duine a ghníomhaíonn thar a cheann, seachas i gcomhréir le halt 64 den Acht Oideachais (Ligean Isteach i Scoileanna) 2018, táillí ar íocaíocht ná ní lorgóidh sé íocaíocht ná ranniocaíochtaí (cibé slí a dtuairiscítear í) mar choinníoll de -

- (a) iarratas ar scoláire a ligean isteach sa scoil, nó
- (b) iontráil nó clárú leanúnach scoláire sa scoil.

17. Socruithe maidir le scoláirí nach bhfreastalaíonn ar theagasc reiligiúnach

Ní mór do scoileanna a chuireann teagasc reiligiúnach ar fáil do scoláirí an chuid seo a chomhlánú.

Is iad seo a leanas socrúithe na scoile do scoláirí, sa chás go bhfuil na tuismitheoirí, nó i gcás go bhfuil 18 mbliana d'aois slánaithe ag an scoláire, tar éis a iarraidh go bhfreastalódh an scoláire ar an scoil gan freastal ar theagasc reiligiúnach sa scoil. Ní bheidh laghdú ar lá scoile na scoláirí sin mar thoradh ar na socrúithe sin:

Fáiltíonn ár scoil roimh gach dalta.

Is scoil idirchreidmheach í Meánscoil Gharman. Bíonn reiligiún mar ábhar i Meánscoil Gharman. Ní foirmiú creidimh/teagaisc reiligiúnach atá sa chlár sin agus mar sin is féidir le gach dalta freastal ar na ranganna sin.

18. Athbhreithnithe/achomhairc

Athbhreithniú ar chinntí an Bhoird Bhainistíochta

Féadfaidh tuismitheoir scoláire, nó i gcás scoláire a bhfuil 18 mbliana d'aois slánaithe aige/aici féadfaidh sé/sí a iarraidh ar an mbord athbhreithniú a dhéanamh ar an gcinneadh áit sa scoil a dhiúltú. Ní mór iarratais den sórt sin a dhéanamh de réir Alt 29C den Acht Oideachais 1998.

Tá an amlíne ina gcaithfear athbhreithniú den gcineál sin a iarraidh agus na ceanglais eile a bhaineann maidir le hathbhreithnithe den sórt sin leagtha síos sna nósanna imeachta arna gcinneadh ag an Aire faoi alt 29B den Acht Oideachais 1998 atá foilsithe ar shuíomh gréasáin na Roinne Oideachais agus Scileanna.

Déanfaidh an bord athbhreithnithe den sórt sin de réir na nósanna imeachta a rialaítear faoi Alt 29B agus le hAlt 29C den Acht Oideachais 1998.

Tabhair faoi deara: Sa chás gur diúltaíodh áit d'iarratasóir mar gheall ar ró-éileamh ar áiteanna sa scoil, **ní mór** don iarratasóir iarraidh ar an mbord bainistíochta **athbhreithniú ar an gcinneadh** sin a dhéanamh roimh achomharc a dhéanamh faoi alt 29 den Acht Oideachais 1998.

Sa chás gur diúltaíodh áit d'iarratasóir mar gheall ar chúis seachas ró-éileamh ar áiteanna sa scoil, **féadfaidh** an t-iarratasóir iarraidh ar an mbord bainistíochta **athbhreithniú ar an gcinneadh** sin a dhéanamh roimh achomharc a dhéanamh faoi alt 29 den Acht Oideachais 1998.

Ceart ar achomharc

Faoi Alt 29 den Acht Oideachais 1998, féadfaidh tuismitheoir scoláire, nó i gcás scoláire a bhfuil 18 mbliana d'aois slánaithe aige/aici, féadfaidh sé/sí achomharc a dhéanamh ar chinneadh na scoile seo maidir le háit sa scoil a dhiúltú.

Is féidir achomharc a dhéanamh faoi Alt 29 (1)(c)(i) den Acht Oideachais 1998 sa chás gur diúltaíodh áit d'iarratasóir mar gheall ar ró-éileamh ar áiteanna sa scoil.

Is féidir achomharc a dhéanamh faoi Alt 29 (1)(c)(ii) den Acht Oideachais 1998 sa chás gur diúltaíodh áit d'iarratasóir mar gheall ar chúis seachas ró-éileamh ar áiteanna sa scoil.

Sa chás gur diúltaíodh áit d'iarratasóir mar gheall ar ró-éileamh ar áiteanna sa scoil, **ní mór** don iarratasóir iarraidh ar an mbord bainistíochta **athbhreithniú ar an gcinneadh** sin a dhéanamh **roimh achomharc a dhéanamh** faoi alt 29 den Acht Oideachais 1998. (féach Athbhreithniú ar chinntí an Bhord Bainistíochta).

Sa chás gur diúltaíodh áit d'iarratasóir mar gheall ar chás seachas ró-éileamh ar áiteanna sa scoil, **féadfaidh** an t-iarratasóir iarraidh ar an mbord bainistíochta **athbhreithniú ar an gcinneadh** sin a dhéanamh roimh achomharc a dhéanamh faoi alt 29 den Acht Oideachais 1998. (féach Athbhreithniú ar chinntí an Bhord Bainistíochta).

Déanfaidh coiste achomharc neamhspleách arna cheapadh ag an Aire Oideachais agus Scileanna achomhairc faoi Alt 29 den Acht Oideachais 1998 a mheas agus déanfaidh sé cinneadh orthu.

Tá an amlíne ina gcaithfear achomharc den sórt sin a iarraidh agus na ceanglais eile a bhaineann maidir le hachomhairc den sórt sin leagtha síos sna nósanna imeachta arna gcinneadh ag an Aire faoi alt 29B den Acht Oideachais 1998 atá foilsithe ar shuíomh gréasáin na Roinne Oideachais agus Scileanna.